




Bosna i Hercegovina i Investicijski okvir za zapadni Balkan

Ukupne investicije:

- 2,7 milijarde eura




Grantovi WBIF-a:

- 99,1 miliona eura

Doprinos EU:

- 83,6 miliona eura (stručna pomoć i investicijski grantovi)



Šta je Investicijski okvir za zapadni Balkan?

Investicijski okvir za zapadni Balkan (WBIF) je finansijski instrument koji je Evropska komisija pokrenula 2009. godine zajedno sa Razvojnou bankom Vijeća Evrope (CEB), Evropskom bankom za obnovu i razvoj (EBRD), Evropskom investicijskom bankom (EIB), bilateralnim donatorima, te zemljama zapadnog Balkana u cilju finansiranja strateških projekata u zemljama korisnicama.

Mogu se predlagati projekti za razvoj infrastrukture u sektorima zaštite životne sredine, energetskom, sektoru transporta i društvenom sektoru, kao i za razvoj privatnog sektora. KfW i Svjetska banka su se kasnije pridružile ovom Okviru.

Investicijski okvir za zapadni Balkan u Bosni i Hercegovini

Do sada je WBIF podržao investicije vrijedne 2,7 milijarde eura u kvalifikovanim sektorima. Grantovi iz EU i Zajedničkog evropskog fonda za zapadni Balkan iznose ukupno 99,1 miliona eura, dok je vrijednost potpisanih kredita preko 1,2 milijarde eura.

Pomoć EU iznosi više od 83,6 miliona eura te uključuje stručnu pomoć i investicijske radove na 28 ključnih infrastrukturnih projekata u raznim sektorima, kao što su:

- željeznički i cestovni prevoz;
- prenos električne energije;
- proizvodnja hidroenergije;
- zaštita od poplava;
- sistemi vodosnabdijevanja i tretmana otpadnih voda;
- zdravstveni, kazneno-popravni, sportski i objekti kulturnih institucija; i
- socijalno stanovanje.

Bosna i Hercegovina



Radovi na izgradnji Mediteranskog koridora (CVC) u Bosni i Hercegovini. Za ovaj projekat EU je obezbijedila grant od preko 27 miliona eura, uključujući i investicijski grant od 25,09 miliona eura u okviru Agende povezivanja u toku 2015.

Postojeći i / ili planirani efekat (izbor):

- 100 km puteva i 84 km željeznica obnovljeno u skladu sa sigurnosnim standardima
- Dodatna proizvodnja električne energije kapaciteta 133,5 MW
- 3 miliona stanovnika dobilo moderne sisteme za snabdijevanje vodom i tretman otpadnih voda kao i mjere za zaštitu od poplava
- 1,4 miliona ljudi imaće pristup vrhunskoj zdravstvenoj zaštiti i korist od modernih istraživačkih centara
- Više od 4.000 ljudi smješteno u objekte socijalnog stanovanja



Postrojenje za tretman otpadnih voda u Bijeljini. EU je obezbijedila bespovratnu pomoć od preko 9 miliona eura za pripremu projekta i investicijske radove.

EU je tako pružila veliku podršku u cilju unapređenja svakodnevnog života građana Bosne i Hercegovine:

- obezbijedila stalno snabdijevanje vodom i električnom energijom;
- obezbijedila sakupljanje i tretman otpadnih voda;
- poboljšala preventivne mjere i mjere za zaštitu od poplava;
- kreirala ključne cestovne i željezničke veze za susjednim zemljama, te
- obezbijedila bolje objekte za zdravstvene i pravosudne institucije.

Pored toga, Bosna i Hercegovina imala je koristi od regionalnih projekata/inicijativa koje je finansirao WBIF kao što je Regionalni program energetske efikanosti za zapadni Balkan (REEP i REEP Plus) i Instrument za razvoj preduzetništva i inovacija na zapadnom Balkanu (EDIF).



Postavljanje kamena temeljca za obilaznicu u Brčkom (septembar 2005). Radovi još traju. EU je obezbijedila 0,5 miliona eura za podršku provođenju projekta.